



Inatsisartuni ilaasortaasumut uunnga
Mikivsuk Thomassen
Inuit Ataqatigiit

**Kinguaassiutitigut kannguttaatsuliornerit pillugit § 37 naapertorlugu
apeqqummut nr. 2019-093-mut akissut**

Asasara Mikivsuk Thomassen

Kinguaassiutitigut kannguttaatsuliornerit pillugit apeqqutinnut qujanaq.

**1. Kinguaassiutitigut kannguttaatsuliorfigitinnikuusunut katsorsaanerit
ingerlanneqarpat?**

Apeqqummut 2-mut akissut innersuussutigineqarpoq 2.

**2. Kinguaassiutitigut kannguttaatsuliorfigineqarnikut qanoq
periarfissaqartigippat katsorsarneqarnissaminnik?**

Isumaginninnermut Aqutsisoqarfimmi marlunnik angalasartoqatigeeqarpoq. Angalasartoqatigiit ataatsit inersimasut meeraanerminni kinguaassiutitigut atornerlunneqarnermi kingorna kingunerlutsitsisut sullittarpai. Angalasartoqatigiit aappaat tassaapput meeqqanik sullissiniarlutik angalasartut, taakku meeqqat kinguaassiutitigut kannguttaatsuliorfigineqarsimasut sullittarpaat. Angalasartut kommuninik suleqateqarlutik katsorsaasarput. Pingaartumik meeqqat katsorsarneqarnissaat pineqartillugu Ilaqutariinnut Sullissiviit suleqatigalugit katsorsaasoqartarpoq.

Najukkani piginnaasanik inerisaaneq pitsanngorsaaffiginiarlugu angalasartut najukkani pisariaqartitat apequtaatillugit pikkorissaanissamut, imajaaffigitinnissamut, tarnip pissusaanik ilinniartitsinissamut neqerooruteqartarput. Piginnaasanik inerisaanermi siunertarineqarpoq angalasartut aallareersimatillugit kinguaassiutitigut innarliisoqarsimatillugu najukkani sulisarnerup pitsanngorsaaffigineqarnissaa. Aamma inersimasunut kingunerlutsitsisunut tunngatillugit angalasartut nunaqarfinnut/illoqarfinnut katsorsaaffigisimasaminnut malitseqartitsiniarlutik angalasartut. Malitseqartitsiniarluni angalasarnerit nalinginnaasumik ukiup ataatsip ingerlanerani pisarput.

**3. Kinguaassiutitigut kannguttaatsuliorfigineqarnikut illoqarfimmini
katsorsaasartunit tikiqqarlutik katsorsartittarneq qanoq ingerlanneqarpat?**

a. Pilersaarusiorneq sumi aqunneqarpat?

Apeqqut 2-mut akissut naapertorlugu angalasartut aaqqissuussaassutisimikkut Isumaginninnermut Aqutsisoqarfiup ataani inissisimapput Angalasartut

04-03-2019
Suliap nr. 2019 - 4320
Akt. id. 10086674

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat
(+299) 34 66 66
E-mail: iian@nanoq.gl
www.naalakkersuisut.gl

katsorsaanissamik piareersaanerminni aamma katsorsaanerminni kommuninik suleqateqartarput.

b. Katsorsagaasimasut kommunikkaartumik qanoq amerlassuseqarpat?

Inuit angalasartunit katsorsarneqarsimasut amerlassusaat, kommuninut agguataarlugit:

- Kommune Kujalleq: katsorsagaasimasut 59-it, meeqqat qulingiluat inersimasullu 50-it .
- Qeqqata Kommunia: katsorsagaasimasut 118-it, meeqqat arfinillit inersimasullu 112-it.
- Kommuneqarfik Sermersooq: katsorsagaasimasut 277-it, meeqqat aqqanillit inersimasullu 266-it.
- Kommune Qeqertalik: katsorsagaasimasut 120-t, meeqqat 18-it inersimasullu 102-t.
- Avannaata Kommunia: katsorsagaasimasut 180-it, meeqqat 56-it inersimasullu 124-t.

c. Katsorsarneqareersimasut nunarput tamakkerlugu qanoq amerlassuseqarpat?

Inersimasut meeqqallu kinguaassiuutitigut innarlerneqarsimasut katillugit 754-it angalasartunit katsorsarneqarsimapput. Tassani pineqarput inersimasut 654-it meeqqallu 100-t.

Inussiarnersumik inuulluaqqusillunga



Martha Abelsen